

Es zeigt eimal meh, dass mer als Dorfmetz oder Ladä chan bestah
wen mer uf Qualität setzt, chan mer au grossi, starchi Kokurenz hinder sich lah
Mir Laliburger gratulieret eu für diä Uszeichnig vo euem Fleischchäs vo Herzä
als Hoflieferant vo eusärä Zunft, zündet mir ah für euch ä Gratulations-Chärzä.

4. 10./16. April Koni enthauptet, 3. September 18 Üri gestohlen: Ortsverein Uerikon (Richi Merk)

Euseri goldige Rosenträger vo 2016 sind entehrt wordä, es isch zum Hüülä
was müend das für Trottlä si, wo Kunst zerstöret mit ihrnä Kühlä
Viel chan mer da nöd im Hirni ha, wen mer macht sottigä Seich
oder macht das Öppert z'friedä, glücklich oder siegreich
Diä armseligä Zerstörer chönd ja nöd mal zu ihrerä Tat stah
die sind glaub vo allne guetä Geister verlah

A vielnä Ort, wird hüt vieles zerstöhrt wo Andernä ghört und gfällt
und i dä meistä Fäll, di blöd Versicherig dä Schadä global zahlt.
Muen mer in euserä Schwiiz in Zukunft so Sachä bewachä
das wär ja truuring und tüür, bedenklich und nöd zum lachä
Natürlich eusi Linggä düend fast alli Täter mit Usredä schützä
D'Elterä oder s'Umfeld isch tschuld, mir fröget eus, wem soll das nützä
Altes Sprichwort: Jeder ist seines Glückes eigener Schmied
drum erstuhnt eus, das ih so Fäll juristisch fast nüt geschiert.
Alles entschuldigä isch ih so Vorfall kei Lösig für so Lüüt
alles in Fronarbeit wieder flickä als Straf, wär das nüt
Mir hoffet dä Koni und dä Üri chann mer ersetzä oder flickä
mer mues si ja nöd grad in Himmel oder Pension schickä



5. Drohnenbild erläutert das Panorama auf der Stäfner Risi

Dä Verchehrsverein Stäfa, mit äm Christian Egli hät ä gueti Idee gha
hätt Fäde gspunnä und hät tatchräftig d'Umsetzig ah d'Hand gnah
uf dä Risi chan jetzt jedä s'Panorama ganz gnau studierä
mer mues es nümm müehsam via alter Landchartä probierä
für alli Feriägest, Zuägwanderetä und au ächi Stäfner isch das ä Pracht
drum düend mir am Verchehrsverein Stäfa dankä, super gmacht!
Jetzt düend fast alli diä Ussicht vo dä Risi kennä und gnüssä
d'Umgäbig känne und komentierä bim Foteli schüssä
Isch doch immer sehr intressant, wämer weiss was uf dä Foti isch
das freut doch fast alli und macht s'Läbe in Stäfa berichernd frisch



Laliburger

Fasnachtsprogramm 2019

Stäfa 2019

33. Jahrgang



Stäfner-Fasnacht Rockt

In dieser Ausgabe:

- Rose und Kaktus von Stäfa
- Fasnachtsaktivitäten der Laliburger
- Einiges zum Schmunzeln